

Powšitkowne WOZJEWJENJA

njedźelu, 7. měrca 2021

Wusyłanje Božeu mšow

Serbskorěčnu Božu mšu móža wěriwi tutu njedźelu, 7. měrca, znowa jako livestream w internete sčěhować. Dopolnja w 9 hodź. přenjese so wona z Chróšćanskeje, dalša hižo we 8.30 hodź. z Kulowskeje cyrkwyje. Linkaj stej pod www.posol.de wozjewjonej.

Terminaj dekanatneje młodžiny

Dekanatne dušepastyrstwo za młodžinu přeprašuje młodostnych na zhromadnu vesper sobotu, 20. měrca, w 20 hodź. do Ralbic. Křižowy puć modla so młodostni bołmončku, 28. měrca, w 14 hodź. we Wotrowje. Wšitcy su wutrobnje přeprašeni.

Ekumeniski póstny seminar z abatisu

Lětuši ekumeniski póstny seminar pod temu „Swoboda a zamołwitosć křesćanskeho čłowjeka. Kak móžemy zhromadnje žiwi być?“ hodži so jeničce online sčěhować. Posledni seminar budže pónđzlu, 8. měrca. Na nim referuje abatisa Gabriela Hesse z Marijineje hwězdy k temje „Z čeho smy poprawom žiwi?“ Wšitcy su k tomu přeprašeni. Link je pod www.posol.de wozjewjeny.

Chorych a mrějacych přewodźeć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju chorych a mrějacych. K tomu trěbna wěda so w kursu posrědkuje. Štóz chcył so z tym rozestajeć, móže so pola hospicneje služby Carity w Kamjencu pod telefonowym čislom (0 35 78) 37 43 12 za kurs přizjewić. Tam dóstanu zajimcy dalše informacije.

Swójbna Boža mša

Na Božu mšu su swójby pjatu póstnu njedźelu, 21. měrca, w 9 hodź. do Róžanta na łuku za cyrkwu přeprašene. Za tute kemše plaća samsne hygieniske naprawy kaž w cyrkwi, mjez druhim wužiwanje nahubnika a dodžerženje wotstawka. Při špatnym wjedrje zhromadna Boža mša w Róžeńće njebudže, runje tak nic, jeli to pandemijowych wobstejnosćow dla móžno być njedyrbjało. Rozsud, hač wone budu, wozjewi so sobotu, 20. měrca, připołdnju pod www.posol.de.

Kolokwij k cyrkwi w diasporje

Na onlinowy kolokwij k temje „Puće – wuhotuja – profile. Katolska cyrkej w sakskej diasporje“ přeprašujetej Drježdžansko-Mišnjanske biskopstwo a Institut za sakske stawizny a ludowědu. Zarjadowanje z přednoškami a diskusiju wotměje so wot štwórtka do soboty, 18. do 20. měrca, přez platformje Zoom za přednoški a diskusiju kaž tež Wonder za rozmołwy w přestawkach. Přizjewjenja za wobdźělenje su trěbne. Link k tomu je pod www.posol.de wozjewjeny.

Zwukowe dožiwjenje

Na spirituelnu zwukowu instalaciju wo psalmje 23 přeprašuje Rakečanska ewangelsko-lutherska wosada do tamnišeje cyrkwyje. Trójce wob hodžinu je słyšeć psalm 23 wo dobrym pastyrju w modernym wobdźělanju. Swětłowe efekty tekst wudospońjeja. 15mjeńšinska instalacija je wšědnje wot 9 do 19 hodź. přistupna.